

增定廬山志卷十五

淮南李 澄鏡月編輯

北平吳 煒粲叟重訂 安宜朱克生秋厓

叅閱

易山任 鰲東溟

藝文下

湛方生廬山神仙詩

并序

潯陽有廬山者盤基彭蠡

之西其崇標峻極辰光隔輝幽澗澄深積清百仞若
乃絕阻重險非人亦之所遊窈窕冲深常含霞而貯
氣真可謂神明之巨域列真之苑囿矣太元十一年

廬山志

卷十五

一

日思堂

有樵採山之陽者於時鮮霞褰林傾暉映岫見一沙
門披法服獨在巖中俄頃振裳飛錫凌崖直上排丹
霄而輕舉起九折而一指既白雲之可乘何帝鄉之
足遠哉窮目蒼蒼翳然滅跡詩曰 吸風玄圃飲露
丹霄室宅五嶽賓友松喬

釋慧遠廬山雜詩崇巖吐氣清幽岫棲神跡希聲奏
群籟響出山溜滴有客獨冥遊徑然忘所適揮手撫
雲門靈關安足闢流心叩玄扃感至理弗隔孰是騰
九霄不奮冲天翮妙同趣自均一悟超三益

增

謝靈運登廬山絕頂望諸嶠詩積峽忽復起

一作平啓

途俄已閉巒隴有合沓往來無蹤轍晝夜蔽田月冬
夏共霜雪

增

謝靈運於南山往北山經湖中瞻眺詩朝旦發陽崖
景落憇陰峰舍舟眺迴渚停策倚茂松側徑旣窈窕
環洲亦玲瓏俛視喬木杪仰聆大壑淙石橫水分流
林密蹊絕蹤解作竟何感升長皆丰容初篁苞綠籜
新浦含紫茸海鷗戲春岸天雞弄和風撫化心無厭
覽物脊彌重不惜去人遠但恨莫與同孤遊非情歎

廬山志

卷十五

二

日思堂

賞廢理誰通

鮑照登廬山詩懸裝亂水區薄旅次山楹千巖盛阻
積萬壑勢迴縈巖從高昔貌紛繞襲前名洞澗窺地
脉聳樹隱天經松磴上迷密雲竇下縱橫陰水實夏
結炎樹信冬榮嘈噴晨鷗思叫嘯夜猿清深巖伏化
跡穹岫閔長靈乘此樂山性重以遠遊情方躋羽人
途永與煙霧并

吳邁遠遊廬山觀道士石室蒙茸衆山裏往來行跡
稀尋嶺達仙居道士披雲歸似着周時冠狀披漢時

衣安知世代積服古人不衰得我宿昔情知我道無
爲

增

張九齡出守豫章郡途次廬山入東巖下作茲山鎮
何所乃在澄湖陰下有蛟螭伏上與虹霓尋靈仙未
始曠窟宅何其深雙闕出雲時三宮入燿沉攀岩猶
昔境種杏非舊林想像終古跡怊悵獨往心紛吾嬰
世網數載忝朝簪孤根自靡托量力況不任多謝周
身防常恐橫議侵豈能鴛鸞別惕如泉壑臨迨茲刺
江郡來此滌塵襟有趣逢樵客忘懷狎野禽棲閒義

廬山志

卷十五

三

日思堂

未果用拙歡在今願言答休命歸事丘中琴

劉元濟經廬阜迴望江州想洛陽有作龜山帝始營
龍門禹初鑿出入經變化俯仰馮寥廓未若茲山功
連延並巫霍東北流艮象西南距坤絡宏阜自鬱盤
高燿復迴薄勢入柴桑渚陰開彭蠡壑九江杳無際
七澤紛相錯雲霞散吳會風波騰鄢郢跡隨造化久
利與乾坤博盼蠻積氣通紛綸潛怪作石渠忽見踐
金房安可托地入天子都巖有仙人藥二門幾迢遞
二宮何儵爚咫尺窮杳冥跬步皆恬漠才驚羽翰幽

居靜龍蛇蠖明牧振雄詞棣華殊灼爍盛業匡西夏
深謀贊禹亳黃雲覆鼎飛絳氣橫川躍佐曆符賢運
人期夢天爵禮樂富垂髻詩書成舞勺清虛靖崑電
利器騰霜鏑遊聖挹衢樽鄰幾恭木鐸墻仞包武侯
波瀾控文若旋聞刈翹薪遽覩外葵藿稷尚序揆圖
良平公輔畧重臣資出守英藩諒求瘼豫章觀偉才
江州訪靈嶠陽岫曉氛氲陰崖暮蕭索雌伏屢鯨奔
雄飛更鷲搏驚蠅透燿霞騰猿亂枝格故園有歸夢
他山非行樂帝鄉徒可遊皇澗終旋泊景物觀淮海

廬山志

卷十五

四

日思堂

雲霄望河洛城闕紫微星圖書玄扈閣神功多紛繪
元氣猶斟酌丞相下南宮將軍趨北落橫簪並附蟬
別鼎俱調鶴四郊時迷路五月先投龠池榭宣瓊管
風花亂珠箔舊遊勞寤寐新知無悅樂天寒欲贈言
歲暮期交約夜琴清玉柱秋灰變緹幙風雲動翰林
宮徵調文籥言泉激爲浪思緒飛成繳千里揮珠璣
五采含丹牖鐘鼓旋驚鷄瑾瑜俄抵鵲竊價慙庸怠
叨聲逾寂寞長望恨南冥居然翳東郭

李白廬山謠寄盧侍御我本楚狂人鳳歌笑孔丘手

持綠玉杖朝別黃鶴樓五岳尋仙不辭遠一生好入
名山遊廬山秀出南斗傍屏風九疊雲錦張影落明
湖青黛光金闕前開二峰長銀河倒挂三石梁香鑪
瀑布遙相望迴崖沓嶂凌蒼蒼翠影紅霞映曉日鳥
飛不到吳天長登高壯觀天地間大江茫茫去不還
黃雲萬里動風色白波九道流雪山好爲廬山謠興
因廬山發閒窺石鏡清我心謝公行處蒼苔沒早服
還丹無世情琴心三疊道初成遙見仙人綵雲裏手
把芙蓉朝玉京先期汗漫九垓上願接盧敖遊太清

廬山志

卷十五

五

日思堂

增

〔杜甫大覺高僧蘭若詩〕巫山不見廬山遠松林蘭若
秋風晚一老猶鳴日暮鐘諸僧尚吃齋時飯香爐峰
色隱晴湖種杏仙家近白榆飛錫去年啼邑子獻花
何日許門徒

增

〔杜甫留別公安太易沙門詩〕隱居欲就廬山遠麗藻
初逢休上人數問舟帆留製作長開篋笥擬心神沙
村白雪仍含凍江縣紅梅已放春先踏鑪峰置蘭若
徐飛錫杖出風塵

增

〔劉脊虛尋東溪還湖中作出山更回首日暮清溪深

東嶺新別處數猿叫空林昔遊初有跡此路還獨尋
幽興方在往歸懷復爲吟雲峰勞前意湖水成遠心
望望已超越坐鳴舟中琴

〔丘爲尋廬山崔徵君詩〕日高雞犬靜門掩向寒塘夜
竹深茆宇秋庭冷石床住山年已遠服藥壽偏長虛
棄浮生者相逢益自傷

增
錢起望廬山詩咫尺愁風雨匡廬不可登祇疑雲霧
窟猶有六朝僧

〔劉長卿送鄭山人還歸廬山別業詩〕潯陽數畝宅歸

廬山志

卷十五

六

日思堂

卧掩柴關谷口何人待門前秋草閒忘機賣藥罷揮
手杖藜還舊筓成寒竹空齋向暮山水流經舍下雲
去到人間桂樹花應發因行寄一攀

增
〔劉長卿送靈徹歸廬山詩〕蒼蒼竹林寺杳杳鐘聲晚
荷笠帶夕陽青山獨歸遠

增
〔劉長卿送孫逸歸廬山〕鑪峰絕頂楚雲銜楚客東歸
向北巖彭蠡湖邊香橘柚潯陽郭外暗楓杉青山不
斷三湘道白鳥空隨萬里帆常愛此中多勝事新詩
他日佇開緘

韋應物寄廬山樓衣道士詩兀兀出行無處歸山中
猛虎識樓衣俗客欲尋應不遇雲溪道士見猶稀
李端寄廬山真上人詩高僧無跡本難尋更得禪行
去轉深青草湖中看五老白雲山下宿雙林月明潭
色澄空性夜靜猿聲證道心更說謝公南坐好煙蘿
到地幾重陰

增

張繼江上送客遊廬山詩楚客自相送沾裳春水邊
晚來風信好併發上江船花暎新林岸雲開瀑布泉
愜心應在此佳句向誰傳

廬山志

卷十五

七

日思堂

增

顧況題葉道士山房詩水邊楊柳赤欄橋洞裏神仙
碧玉簫近得麻姑書信否潯陽江上不通潮

增

李賀勉愛行送小季之廬山二之一洛郊無俎豆弊
廐斬老馬小雁過鑪峰影落楚水下長船倚雲泊石
鏡秋涼夜豈解有鄉情弄月聊鳴啞

增

皇甫冉廬山歌送至弘法師兼呈薛江州釋子去兮
訪名山禪舟容與兮住仍前猿啾啾兮愁月江渺渺
兮多煙東林西林兮入何處上方下方兮通石路連
湘接楚饒桂花事久年深無杏樹使君愛人兼愛山

時引雙旌萬木間
政成人野皆不擾
遂令法侶性安閑

增

暢當天柱隱所重
答江州應物詩寂寞一悵望秋風
山景清此中惟草色翻意見人行
荒徑饒松子深蘿絕鳥聲陽崖全帶日
陰障偶通耕拙昧難容世貧寒
別有情煩君瓊玖贈幽懶百無成

增

楊衡贈廬山道士詩寂寥高室古松寒
松下仙人字委鸞頭垂白髮朝鳴磬
手把青芝夜遶壇物象自隨塵外滅
眞源長向性中看悠悠萬古皆如此
秋比松

廬山志

卷十五

八

日思堂

枝春比蘭

增

熊孺登送舍弟孺復往廬山詩能騎竹馬辨西東
未省燵花暫不同
第一早歸春欲盡廬山好看過
口風

增

李涉山居寄僧詩失意因休便買山
白雲深處寄柴關若逢城邑人相問
報道花時也不聞

增

朱放雲門寺贈靈一上人詩所思勞旦夕
惆悵去湘東禪客知何在春山幾處同
獨行殘雪裏相見暮雲中請住東林寺
彌年事遠公

增

白居易北亭詩廬宮山下洲湓浦沙邊宅
宅北倚南

岡迢迢數千尺上有青青竹竹間多白石茅亭居上
頭豁達門四闢前楹捲簾箔北牖施牀席江風萬里
來吹我涼浙浙日高公府歸巾笏隨手擲脫衣恣搔
首坐卧任所適時傾一盃酒曠望湖天夕口詠獨酌
謠目送歸飛翮慚無出塵操未免折腰役偶獲此閒
居謬似高人跡

增

白居易同友人尋澗花詩聞有澗底花賈得村中酒
與君來校遲已逢搖落後臨觴有遺恨悵望空溪口
記取花發時期君重攜手我生日日老春色年年有

廬山志

卷十五

九

日思堂

且作來歲期不知身健否

增

白居易出山吟朝詠遊山詩暮歌采薇曲卧雲坐白
石山中十五宿行隨出洞水回別緣崖竹早晚重來

遊心期瑶草綠

按白集已上乃初
入匡廬山吟者

增

朱慶餘送僧遊廬山詩客行皆有求師去是間遊野
望攜金策禪棲寄石樓山深松翠冷潭靜菊花秋幾
處題青壁袈裟濺瀑流

增

徐凝廬山獨夜詩寒空五老雪斜月九江雲鐘聲知
何處蒼蒼樹裏聞

周賀送忍禪師歸廬山浪匝湓城岳壁青白頭僧去
掃禪扃龕燈夜雪補殘衲山日上軒看舊經泉水帶
冰寒溜澀薜蘿逢雨曙煙腥已知身世非吾道甘卧
荒齋竹滿庭

劉得仁和厲玄侍御題戶部相公廬山草堂白雲居
創畢詔入鳳池年林長雙峰樹潭分並寺泉石溪盤
鶴外岳室閉猿前柱史題詩後松門更肅然

增

劉得仁和段校書冬夕寄題廬山名高身未到此恨
蓄多時是夕吟因話他年必去隨當時廬岳頂半入

廬山志

卷十五

十

日思堂

楚江澹幾度懸崖上千尋瀑布垂爐峰松浙瀝湓浦
棹參差日色連湖白鐘聲拂浪遲煙梯緣薜荔岳寺
步欹危地本饒靈草林常出祖師石樓霞耀壁猿樹
鶴分枝細徑縈巖末高窗見海涯嵌空寒更極寂寞
夜猶思陰谷冰埋木仙田雪覆芝亂泉禪客漱異蹟
逸人知蘇室新開竈檉潭未了棊如何遂間放長得
任希夷空務漁樵事方無道路悲謝公臺尚在陶令
柳潛衰塵外難相許人間貴跡遺雖懷丹桂影不忘
白雲期他日終攜手今朝預賦詩

趙嘏送僧歸廬山詩禪棲忽憶五峰遊去着方袍謝
列侯花啓樓臺千葉曙錫含風雨一枝秋題詩片石
侵雲住流鉢泉香覆菊流却憶前年別師處馬嘶殘
月虎溪頭

增

杜荀鶴送紫衣僧歸廬岳舊寺詩紫衣明主贈歸寺
感先師受業思難報開堂影不知松風欹枕夜山雪
上樓時此際無人會微吟獨斂眉

增

周繇送友人歸廬山詩菊花秋晚雁來天共把離觴
向水邊官滿便尋垂釣侶家貧常用賣琴錢浪生湓

廬山志

卷十五

十一

日思堂

浦千層雲雲起爐峰一炷煙倘見吾鄉舊知己爲言
顛顚過年年

增

崔塗宿廬山絕頂山舍詩一磴出林端千峰次第看
長閑如未遂暫對亦應難谷樹雲埋老僧窗瀑影寒
自嫌心不達向此憶長安

增

張喬寄廬山僧詩大道本來無所染白雲那傳有心
期遠公獨刻蓮花漏猶向青山禮六時

增

曹松送僧入廬山詩若到江州二林寺遍遊應未出
雲霞廬山瀑布三千仞晝破青霄如落斜

□李咸用廬山詩非嶽不言嶽此山通嶽言高人踞□
世幾處滿前軒秀作神仙宅靈爲風雨根餘陰鋪楚
甸一柱表吳門靜得八公侶雄臨九子尊對猶青慰
眼到必冷凝魂勢受重湖讓形難七澤吞黑岩藏晝
電紫霧泛朝暎蓮墮寧唯華玉樊堪小崑倒松微發
罅飛瀑遠成痕疊見雲容襯稜收雪氣昏裁詩曾困
謝作賦偶無人流礙星光撇驚衝雁陣翻峰奇寒倚
劍泉曲細如盆草短分雛雉林明露擲猿秋楓紅蝶
散春石谷雷奔月好虎谿路燼深栗里源醉吟長易

廬山志

卷十五

十二

日思堂

醒夢去亦銷煩有覺南方重無疑厚地掀輕揚聞舊
俗端用鎮元元

增

〔王貞白廬山詩〕嶽立鎮南楚雄名天下聞五峰高閼
日九疊翠連雲夏谷雪猶在陰岩晝不分惟應嵩華
輦清峻得爲群

增

〔王貞白送馬明府歸山詩〕辭秩入匡廬重□靖節居
免遭墨綬東不與白雲疎送吏各獻酒群兒自擔書
到時看瀑布爲我謝清虛

增

〔李中送圖上人歸廬山詩〕蓮宮舊隱塵埃外策杖臨

風拂袖還踏雪獨尋青嶂下聽猿重入白雲間蕭騷
紅樹當門老斑剝蒼苔鏤逕閒預想松軒夜禪處虎
溪圓月照空山

增

釋靈一僧院詩虎溪閒月引相過帶雪松枝挂薜蘿
無限青山行不盡白雲深處老僧多

增

釋無可秋夜寄龍池寺真空二公詩夜來思道侶木
葉向人飄精舍池邊古秋山下遙磬聲徹幾里雲
白已終宵未得同居止翛然自寂寥

增

釋無可遊山寺詩千峰盤落

一作盤磴

盡林寺昔何名步

廬山志

卷十五

十三

日思堂

步入山影房房聞水聲多年人跡斷殘日石陰清自
可求居止安閒過此生

增

釋齊己寄上荆渚因夢廬岳詩夢遶嵯峨裏神疎骨
亦寒覺來誰共說壁上自圖看古翠松藏寺春紅杏
濕壇歸心幾時遂日向漸衰殘

增

釋齊己匡山寓居棲公詩外物盡已外閒遊且自由
好山逢過夏無事住經秋樹影殘陽寺茶香古石樓
何時定休講過漱虎溪流

增

釋齊己送廬岳僧詩一聞飛錫別區中深入西南瀑

布峰天際雪埋千片石洞前冰折幾株松燿霞明媚
棲心地苔蘚縈紆出世蹤莫問江邊舊居寺火燒兵
劫斷秋鐘

增

吳筠登廬山東峰觀九江合彭蠡湖詩百川灌彭蠡
秋水方浩浩九派混東流朝宗合天沼寫心陟雲峰
縱目還縹緲宛轉衆浦分差池翠山繞江妃弄明霞
彷彿呈窈窕而我臨長風飄然欲騰矯昔懷滄洲興
斯志果已紹焉得忘機人相從合魚鳥

增

廬山女

魚鯉

贈朱朴詩但持冰潔心不識風霜冷任是

廬山志

卷十五

十四

日思堂

懷禮容無人顧形影

增

蘇軾過廬山下詩

有引

予過廬山下雲物騰涌默有

禱焉未午衆峰凜然故作是詩 飛雲欲羸山勢與
飄風南群儕相應和勇往爭驂驪可憐蔚蒼中時出
紫翠嵐雁沒出東嶺龍騰見西龕一時供坐笑百態
變立談暑雨破峽虬清風掃渾涵廓然歸何處陋矣
安足戡亭亭紫霄峰窈窕白石菴五老數松雪雙溪
落天潭雖然默禱應已有移文慚

增

蘇軾登廬山詩讀書廬山中作郡廬山下平湖浸山

脚雲峰對虛榭紅蕖紛欲落白鳥時來下猶思隱居
勝亂石驚湍瀉此詩全集未載
見南康府志

增

蘇軾廬山五詠

廬洞 敖

上界足宮府飛仙亦何益還在

此山中相逢不相識飲酒臺博士雅好飲空山誰與娛

莫向驪山去君王不喜儒聖燈岩石室有金丹山神不

知秘何必露光芒半夜驚童稚三泉皎皎岩下泉無人

還自潔不用比三星清光同一月障日峰長安不自遠

蜀客若思歸莫教名障日喚作小蛾眉按廬山勝蹟
最夥蘇公獨

有五詠今攷盧敖姓名惟史記始皇本紀二十四年使燕
亦不詳盧敖姓

廬山志

卷十五

十五

日思堂

人廬生求羨門高二十五年廬生說始皇願上所居
宮毋令人知然後不死之藥可得已侯生廬生相與
謀亡去蘇公全集王註廬生即廬敖也三泉蘇
詩亦未註明何地今可攷據者惟聖燈岩云

黃庭堅和劉太溥攜家遊廬山詩緩轡松陰不起塵

嵐光輕雨一番新遙知數夜尋山宿便是當年避世

人落日已迷煙際路飛花還報洞中春可憐不更詢

源去若遇劉郎即問秦

增

龜補之望廬山詩南康南麓江州北五百僧房綴蜜

脾盡是廬山佳絕處不知何處合題詩

增

龜補之登廬山詩丹碧沉沉虎豹閑松幢引度九重

關人間似覺渾無路天上還驚更有山
瑤草紅泉供挹酌金風白露送躋攀
良遊自歎平生誤便欲歸時鬢已斑

增

洪朋廬山詩山瀑兩道瀉木葉四時春
日暝不知去魚鳥會留人

增

李綱望廬山詩多年不省廬山面江上
初從望中見秀骨蒼顏五老人顧我欣
然如素善香爐峰頂紫煙浮瀑布遙看
銀漢流雲舒霧卷互明滅倏忽變態無
停留却疑清夢尋丘壑風物何爲宛如
昨縱令真是

廬山志

卷十五

十六

日思堂

夢中看夢來覺時良不惡平生所願今
乃償寬著日月遊山房青鞋布襪久已
辦百錢挂杖聊徜徉

增

蔣之奇燕窠石詩墨窩化石鎖煙苔岩
上菴空煙又開塵劫一聲清磬裏至今
猶有燕飛來

增

蔣之奇重湖閣詩宮亭彭蠡接揚瀾浩
蕩橫空六月寒試問風波何似險老僧只
管倚欄干

增

宋文公熹登廬山詩登車閩嶺嶠息駕
康山陽康山高不極蓮峰鬱蒼蒼金輪西
峩五老東昂藏想像千聖集似聞笙鶴
翔林谷下棲迷雲關杳相望千岩

雖競秀二勝終莫量仰瞻銀漢翻俯視蛟龍驤長吟
謫仙句和以玉局章疇昔勞夢思茲今幸徜徉尚恨
黍符竹未協棲雲房已尋兩峰間結屋倚陽岡上有
飛瀑駛下有清流長循名協心期吊古增悲涼壯齒
乏奇節頽年矧昏荒誓將塵土蹤暫寄雲水鄉封章
倘從願歸與濯滄浪

〔宋文公熹山北紀行十二章章八句〕

〔并〕

余閏月二

十七日罷郡是夕出城宿羅漢二十八日宿白鹿二
十九日登黃雲觀度三峽窺玉淵憩西澗飲西原宿

廬山志

卷十五

十七

日思堂

臥龍四月一日過開先宿歸宗二日浴湯泉入康王
谷觀水簾宿景德觀三日與清江劉清之子澄永嘉
張揚卿清叟潯陽王阮南鄉周頤龜父長樂林用中
擇之洛陽趙希漢南紀會稽陳祖永慶長武當祈眞
卿師中温陵吳兼善仲達廬陵許子春景陽新安胡
莘尹仲建安王朝春卿長樂余隅占之陳士直彦忠
黃幹季直臨淮張彥先致遠會稽僧志南明老俱行
祇役廬山陽矯首廬山陰雲峰不可覲碧澗何由
尋昨朝印章解結友同窺臨盡彼岩壑勝滿茲仁知

心 窺臨事若何請從圓通說透迤山門路峭蒨修

篁列溪仍侯家名屋是孱王設何救黍離歌喟然傷

覆轍寺圓通

行逢石門雨解驂寒澗東朝濟錦繡谷

俯仰春冥濛縣泉忽淙琤雜樹分青紅屢憇小亭古

幽探思無窮道天池中

竦身長林端策足層崖表仰瞻

空澗濶俯歎塵寰小天池西嶽崑佛手東窈窕杖履

往復來憑軒瞰歸鳥寺天池

斯須暮雲合白日無餘

輝金波從地湧寶燄穿林飛僧言自雄誇俗駭無因

依安知本地靈發見隨天機燈佛

深尋兩林間清波

廬山志

卷十五

十八

日思堂

貫華屋蓮社有遺踪草堂非舊築修廊餘故刻好醜

雜珉玉亦復記經行深慚後人讀東西林

行軒復東

驚祠城當晚遊胡然冠蓋集不盡心期幽夜厭百谷

喧旦失千峰稠出門有遺恨回□空綢繆晚至太平宮

山水誠乃奇云誰究終始曇遠亦何人神君豈其鬼

東西妄采獲誣陷共恢詭百世踵謬訛彝倫日頽圯

以茲遊覽富翻令懷抱傷誰哉堪告語舉俗昏且

狂乾坤有真心日月垂休光茫茫宇宙內此柄誰主

張二章慧遠採訪

北度石塘橋西訪濂溪宅喬木無遺株

虛堂惟四壁竦瞻德音粹跪薦寒流碧幸矣有□人
渾淪再開闢 平生勞仰止今日登此堂願以圖象
意質之巾几傍先生寂無言賤子涕泗滂神聽倘不
遺惠我思無疆二章濂溪祠 明晨江磯寺尊酒聊對設
孰云十日遊遽成千里別英僚樹嘉政素友勵孤節
努力莫相忘清宵共明月江磯寺 七日薛洪持志王
仲傑之才携酒自南康來飲罷與張陳趙還南康軍
子澄許張歸廬陵南鄉龜父還家擇之之湖南予與
王余陳黃東度湖口而歸

廬山志

卷十五

十九

日思堂

增

彭汝礪舟中見廬山詩翠色蒼茫杳靄間舟人指點
是廬山浮雲作意深遮護未許行人次第看

增

白玉蟾泛舟黃橋歸廬山詩清風爲我送歸船數粒
青松起薄煙帆影驚飛秋水雁櫓聲攪斷夕陽蟬幾
人家在溪頭岸一片雲生水底天滿眼良朋無好酒
此心已挂九江邊

增

趙師秀送倪道士之廬山近方辭地肺本自住天台
有鶴相同出無雲作伴回道房隨處借詩板逐時開
又說廬山去閒看瀑布來

揭傒斯廬山詩香爐峰色紫生煙一入京華踏杳
雲碓秋閒春藥水雨犁春卧種芝田書憑海鶴來時
寄劍自潭蛟去後縣忽報歸期驚倦客獨淹微祿負
中年

增

范梈先天觀山水圖詩學仙之人與山爲徒住在廬
山之奧湖江之區張公煉丹作龍虎丹成御氣遊六
虛後來作者絕代無復有逸人住玄都玄都之壇井
角孤上摩萬里之黃鵠下伏千歲之飢鼯陰森筠檜
自太古斬種力與開闢口扶桑朝日挂絕壁照見樓

廬山志

卷十五

二十

日思堂

觀青模糊擘崖控絃寫哀壑秋雲春霧荒田腴我亦
人間山澤癯偶隨夔龍賔唐虞興來醉倒黃公爐震
風三日撼不蘇折花不得度弱水攜手始識仙凡殊
玉堂仙人危與吳遺我茲山之畫圖尋窗數戶久歎
息無緣置我雙檣蒲獨行幽人不受呼掃葉青澗聽
啼烏日暮蘿逕相縈紆相縈紆向何處明朝爲借麻
姑鵝我欲騎之上天去

增

薩都刺送僧歸廬山詩揚子江頭木葉風上人歸興
白雲重淨瓶滿貯蓬萊水客舫遙聽精舍鐘到家自

笑門前鶴洗鉢不驚潭底龍珍重匡廬山畔路逢人
應問舊栽松

增

張鳴善廬山詩曾到廬山境巉峰際碧空萬松無路
入一水與天通白鹿眠清晝青猿嘯晚風洪崖如可
約吾亦訪雲中

增

釋圓至匡山病起詩雨餘白石氣如炊濃綠陰中霽
影遲經月不行菴下路樹禽引子去多時

增

張率廬山詩廬山到處是浮圖若問凡家半個無只
爲淵明曾好酒至今有鳥號提壺

廬山志

卷十五

二十一

日思堂

增

楊基舟抵南康望廬山詩春山如春草春來無不好
况是香爐峰百疊煙屏圍五老嚶嚶歷歷谷鳥哀朱
朱粉粉山花開芙蓉削出紫霧上瀑布倒瀉青天來
船頭春山重回首世上虛名一杯酒李白雄豪妙絕
詩同與徐凝傳不朽明日移舟過洞庭蘭花斑竹遠
沙汀摩娑老子雙愁眼細看君山一點青

增

釋宗泐送僧遊廬山詩廬山天下奇良遊遂平素江
帆渺何之連峰散晴霧雲端五老人燦然風骨露青
衣或來還水客時相遇夜坐松底石天燈知幾處忽

聞岩際鐘忘却東林路

增

釋德祥送廬山長老詩九江前面是廬峰傾想平生
未得逢今日送歸無限思暮湖春樹月明鐘

增

王偁舟中望廬山詩茲山東南美植立雲霞中九疊
縈秀色萬古青茸茸我懷志靈奇挂帆喜相逢林端
望飛瀑天際數雲峰香爐紫煙滅玉鏡澄湖空飛翠
落巾袖毛髮梳天風顧此逐行役無由訪仙踪長詠
遠公傳坐憶東林鐘

增

解縉望廬山詩每依南斗弄潺湲太白雲巢似可攀

廬山志

卷十五

二十二

日思堂

浮水一星天上下步虛五老鏡中間自從三代稱全
楚看到中原無此山莫道彭湖無勝事龍舟曾奏凱
歌還

增

解縉廬山歌昔年拄玉杖去看匡廬峰遠山如遊龍
半入青天中四顧無人獨青秀五老與我同春容手
弄石上琴目送天邊鴻二儀自高下吳楚分東西洪
濤巨浪拍崖下波光上與銀河通吸澗玄猿弄晴影
長松舞鶴號天風天風吹我不能立便欲起把十二
青芙蓉弱流萬里可飛越因之獻納蓬萊宮羲娥倏

忽遂成晚往往夢裏尋仙踪如今不知何人採此量
樹下一老與我襟裾同披圖題詩要相贈氣騰香霧
秋濛濛子歸煩語謝五老幾時白酒再熟來相從

袁忠徹廬山書屋詩廬山九疊雲錦重靈鍾秀結摩
蒼穹先賢愛此昔僑寓至今白鹿留遺踪四明山人
美如玉重挹清風結茅屋青燈黃卷飽三餘縹帙牙
籤盈萬軸竹光團舍斐几涼硯池滴露松花香螢明
不用踵車胤雪照亦復追孫康時時更有登臨趣彭
蠡磯頭落星渚青牛或向月中眠玄鶴時來洞中舞

廬山志

卷十五

二十三

日思堂

君臨芹泮初十年讀書讀律志已堅只余半刺公多
暇燈火猶知親簡編

增

楊溥廬山詩少年曾泛九江船江上廬山在眼前一
片陰雲浮絕頂千尋瀑布挂長川東吳渺渺晴虹外
西蜀迢迢落日邊披翫遺踪想疇昔獨憐遊宦雪盈
巔

增

釋守仁遊廬嶽詩帆掛東風十幅蒲西行五日指匡
廬柳垂湖口知彭澤山落船頭見小孤白雨亂峰皆
瀑布紫煙高處是香爐茲行安得王摩詰爲掃蓮花

社客圖

增

〔黃翰廬山詩〕松風瑟瑟馬頻嘶偶得乘閒到虎谿空
谷斷崖無鹿過落花芳草有鶯啼飄嵐帶雨澗泉急
絕頂盤雲鳥路迷俱是灑然幽絕處坐來臺石問誰
題

增

〔李時勉廬山詩〕匡廬高起鬱嶙峋翠擁連峰倚斷雲
天濶秋陰千里合風清靈籟半空聞松巖雨過泉聲
出仙掌霞飛樹色分終古名山留勝槩幾回臨眺到
斜曛

廬山志

卷十五

二十四

日思堂

增

〔陳憲章過廬山詩〕爲客三冬暮行舟五老前孤雲朝
徙壑高雪夜封泉鹿去空遺洞僧亡祇故蓮經過不
敢惜萬里正朝天

增

〔陳憲章九日下廬山詩〕秋風灑灑洗芳蕤瘦盡千峰
雁始飛南海一波長不定西山半面却言非醉拈禿
筆題蒼壁笑插寒花弄彩衣樂意滿腔推不去狂歌
待得晚鴉歸

增

〔夏寅廬山詩〕廬嶽諸峰面面奇平生蘇李愛題詩青
霞不入紅塵夢只合僧房綴蜜脾

增

王守仁望廬山詩說盡廬山若個奇當時圖畫亦堪
疑九江風浪非前日五老煙雲豈定期眼慣不妨層
壁險足躄須着短筇隨香爐瀑布微如綫欲決天河
瀉上池

增

胡奎夢遊廬山詩我有紫霞想夢遊匡廬峰仙人凌
絕頂手掉金芙蓉亭亭九天上疊嶂崩騰涌波浪五
色雲中白鹿鳴三更海底金雞唱懸岩瀑布從天來
疋練倒界青天開高人自是陸修靜邀我石磴行莓
苔九江秀色可攬結欲跨長鯨捉明月望斷蓬萊青

廬山志

卷十五

二十五

日思堂

烏書琪花落盡無人折飛身上挹香爐煙坐卧九疊
屏風前翻然拜手招五老一笑彷彿三千年松風冷
泠吹夢覺鶴背高寒露華落早知此境隔塵凡只合
棲神向丘壑何人寫此江上山雲山與我心俱閒明
當會碾飈輪去長謝時人竟不還

增

湛若水過匡廬詩匡廬何所極蒼蒼閱晴空兄弟事
幽討同日躡奇蹤鍊形化精魄列爲五老峰物固有
不朽萬代垂高風我欲訪其居道遠誰能從長揖入
翠微冥棲結雲松從予一朱鳥間騎二蒼龍

增

李夢陽廬山九日詩廬山隨晚坐江漢淨秋襟九日
黃花雨書堂紅葉深細雲飄古帙寒兕吼空林不用
風吹帽樽前有靜琴

增

李夢陽廬山秋夕詩山壑寒氣蚤日夕風色繁火流
桂將歇霜至蕙草隕蟋蟀集澗館禾黍被疆畛感物
憂自攢排遣情詎忍年徂身與衰時棄世所哂躊躇
夜不寐起坐萬念軫崖傾月西流嶂曙松猶隱噉噉
露猿啼行行采方菌

增

李夢陽看廬岳詩春時看岳落星洲夏來看岳復江

廬山志

卷十五

二十六

日思堂

州獨行稔負燿霞伴久坐非貪麋鹿遊石室丹書吾
異世錦屏雙劍晚遮樓登尋擬縱涼天目一葉飄飄
江漢流

增

李夢陽詠懷六章之一青天萬仞削芙蓉憶踏匡廬
第一峰哀壑暮雲埋虎豹大江春浪變魚龍天池御
筆親留碣石室山僧獨扣鐘綵筆昔曾霄漢上舊題
應被紫苔封

增

李夢陽歲暮五首之一歲當癸酉廬山曲冬盡扁舟
記獨棲湖海合冰龍晝立谿林壓雪虎時啼陰陽晴

晦雙過鳥南北行藏一杖藜今日中原對河嶽暮雲
回首楚江西

增

徐禎卿登廬山詩豫章山水郡廬嶽此深蟠吳楚開
雄鎮東南表巨觀中天浮黛色百里暖晴巒漸近雲
消豁俄驚勢鬱盤錦屏圍合沓玉笋屢叢攢詰曲群
形變登臨萬象寬風高六月雹氣慄九江寒石鏡明
花外香爐出霧端劍芒遙轟轟龍脉故丸丸瑤草幽
難掇青蓮秀可餐赤城虛瀑布彭蠡更波瀾禹跡於
茲盛崇功振古刊壯懷凌絕頂倦鳥息飛翰霄漢心

廬山志

卷十五

二十七

日思堂

何有沉冥性所歡將修梵門術欲上羽人壇淨社花
垂白名巖竈覆丹昔賢非不達於道自相安愛勝眞
忘返遺榮亦未難聊須偃松竹遂可掛纓冠祇爲懷
佳侶淹留獨寤歎

增

徐禎卿晚下廬山詩下山語鼠啼藤竹使人迷多謝
東林月殷勤過虎溪

增

羅洪先入匡廬詩愛山常獨往况有逸人居獨坐雙
林下不知三伏初馴猿投夏果釋鹿狎茅廬食息吾
何擇前生業已除

增

羅洪先湖上望廬山詩廬山疊疊翠光寒宿靄浮嵐
春未淺一葉扁舟人獨往萬峰落照晚宜看移居欲
訪陶元亮避俗休疑管幼安石乳雲芝知久待漁郎
且莫問儒冠

增

羅洪先對匡廬詩三年廬阜歷千峰蓮社花宮處處
逢聽瀑乍疑龍起鬪窺岩常躡虎遺踪燈來絕壑僧
初定雲滿虛堂曉未鐘悵望楓林秋又改故吾空在
却疎慵

增

羅洪先望廬山詩我昔望廬山高高上無極中有羽

廬山志

卷十五

二十八

日思堂

化人林棲絕粒食紺髮方碧瞳飢膚冰玉色借問年
幾何春秋千百億聞之心魂動欲附雙飛翼飄飄不
我顧招手長太息竊恐染葷羶濁穢神明殛三年事
齋沐精禱靡變惑峰嵐日夕深仰攀尚難卽

增

陳沂登匡廬詩五湖波浪接匡廬眺遠臨高縱目初
路出煙霄天欲近氣蒸吳楚地應虛青牛一去留仙
谷白鹿千年間隱居此處好尋終老計薜蘿無伴意
何如

增

童承叙登廬山詩十里松杉總鬱盤攬衣飛步翠雲

端山深野寺人稀到萬壑千峰一徑寒

增

張時徹廬山行廬山高高與天齊西峰懸落日東峰
走長霓下有赤豹穴上有丹鳳池池中白霧長吐吞
二儀日月杳難分緣崖綠竹大如斗洞邊珠落何紛
紛昔聞周顛仙怪語驚聖神天眼尊者知其真赤脚
小僧會傳語奎章燦爛垂星辰千年蒲草映絕壁朶
朶青蓮照孤石虹梁下矚萬丈壑激澗崩騰喧霹靂
九疊屏風五色開朱幡絳節四時來翡翠長穿錦繡
澗銀河夜閣文殊臺五老岩堯青可攀香爐頂上百

廬山志

卷十五

二十九

日思堂

花斑山童騎鶴海邊去野客吹簫天上還碧草鮮霞
二月春風流况復秦使君他年曾訪丹砂客今日還
隨麋鹿群探月窟排天門坐倚芙蓉巔矻矻龍虎蹲
五更雷鳴雨灑地隔嶺哀猿啼不住疾風長吹湓浦
雲飛來倒掛青松樹赤坂蒼苔路轉昏淹留相對倒
芳尊醉卧東林歌白雪那知身外有乾坤

增

張時徹看廬嶽詩巨嶽嶙峋薄上台新春登眺紫芝
開穿林細數娟娟竹度澗偏憐點點苔松嶺盤雲飛
鳥隔石門銜日暮猿哀一身放浪江湖小極目東南

天漢迴

〔唐〕寅登廬山詩匡廬山高高幾重山雨山煙濃復濃
移家未住屏風疊騎驢來看香爐峰江上烏帽誰涉
水岩際白衣人採松古句磨崖留歲月讀之漫滅爲
修容

增

〔張〕治登吞鐘山望廬山詩廬嶽高高翠萬重懸泉千
尺挂飛龍石鐘山下江如鏡映出青天五老峰

增

〔王〕世貞早入廬山首路作徒符五嶺外歸沐三冬前
及茲道彭蠡九疊青□然授衣變寒暑擊汰改流連

廬山志

卷十五

三十

日思堂

決策扣廬君蓐食理枉阡微月隱紛綸流雲漸芊眠
樹杪生遙曙草際出哀泉來奇若故賞新踪山往緣
分無幽棲躅慨焉嘆諸賢

增

〔王〕世貞暑中戲簡謝時臣索畫廬山障亭午湘簾暑
未殘謾勞朱李薦水盤須君貌寄廬山障卧對飛流
萬尺寒

增

〔王〕世貞馮子潛將有廬山武夷之遊索一絕匡廬五
老五白龍武夷九曲九芙蓉高秋贈爾青鞋去踏破
寒雲千萬重

增

吳國倫廬山寓隱喜桑侍御見訪夜宿天池色界寒
朝來風雨暗層巒崖間滑石愁藜杖樹裏重煙礙籜
冠萬壑鐘迎仙客至九江春到法門看陶潛不入東
林社尚有清樽興未拚

增

吳國倫登廬山絕頂詩廬阜浩緜邈含靈翊洪都下
蟠厚地軸上燭南斗樞渾沌竅初鑿夸父骨已枯諸
峰秀雲表列郡巢其郭我策盧敖杖舄以王喬鳧逍
遙陵絕頂飛觀亦何孤三梁跨欲絕五老森相呼松
孕萬年苓鶴將千歲雛半嶺雨暘隔一朝寒燠殊重

廬山志

卷十五

三十一

日思堂

巖表仙隱古寺羅名區苔蝕巨靈掌星錯牟尼珠靈
光展石鏡霞氣薰香爐瀑布落天漢濺沫成江湖濯
髮天池端冥然鑑虛無五岳總拳石古今亦須臾且
與方外友狂歌醉瓊蘇

增

吳國倫五老峰詩諸峰歷歷黨青霄五老雲深不可
招欲跨峰前五色鹿直從天上坐吹簫鐵船峰詩天
風吹席挂廬峰棹鼓無聲雲漢重一自鐵船飛不去
至今山澤吼雙龍香爐峰詩山煙細細鬱林端散入
春陰楚甸寒我欲峰頭瞻北極香爐不似殿中看石

鏡峰詩萬仞峰頭石鏡懸平臨日月倒垂天滄江夜色寒相照下有驪龍不敢眠紫霄峰詩紫氣峻贈碧漢斜好憑飛杖立煙霞臨風一咲吹長笛落盡江南楊柳花上霄峰詩上霄峰影踏吳天石匣丹書總未傳岩下久無封禪使老人常枕白雲眠擲筆峰詩慧遠風流天下聞經成擲筆墮青雲我來趺坐千松頂指點潯陽九派分鶴鳴峰詩鶴鳴峰上讀書臺樹杪雙飛瀑布來峰際白雲千古色昔人乘鶴幾時回天林峰詩匡廬山北大林峰萬仞懸泉百尺松只怪丹

廬山志

卷十五

三十二

日思堂

梯行不盡諸天天外更聞鐘

增

宗臣廬山歌寄贈明卿時以黃門謫豫章從事南斗日夜敲太白化爲五老八萬尺並跨古螭下九江猛風吹作倚天壁手懸石鏡照天門日月東西亂相射香爐之峰插其南星辰燒作珊瑚赤青天忽墜金芙蓉九十九峰破江碧峰頭白鹿銜紫雲紫雲片片大如席石梁瀑布天上來百折寒濤瀉琥珀玉虹雙夾孤電翔急雷長鬪銀河圻佛手岩前石鼓高有時擊鼓天烏號三五山人驚且起東方先生騎紫鼈帝前

大醉黃姑醪復向瑤池竊三桃手把瓊枝雲中翱下
視八荒如秋毫帝也聞之惡其豪一朝謫向廬山去
九華之冠赤霜袍腰間雜佩金錯刀彩霞捲地飄組
練蒼煙排馬擁旌旄直上峰頭叫五老五老却立呼
其曹客來餐之白鳳膏醉持龍角如持螯江間古龍
聲嘈嘈倒鞭白鹿滿山走白鹿夜夜哭且吼赤松不
敢與之遊黃石不敢與之友樹杪九江如一線織女
抽來紉吾綬東折扶桑煮天潢白露金莖日五斗西
方之彗摘爲箒掃盡閭闔萬古之浮雲攬盡瀟湘萬
里之秋色一一掛之千楊柳我欲白日借羽翰尋爾
彭蠡之左鄱陽之右不然爾騎白鹿來北極又恐封
狐嘯君前雄虺跳君後我亦竟不去爾亦竟不來袖
中彩繩十萬里直繫廬山入酒杯奇峰峻嶺相崔嵬
白鹿暫卧玄圃臺與爾共醉三萬六千日池上蟠桃
十度聞五老隨之日月哀長跼求歸日百迴然後放
爾廬山大江去東方先生還蓬萊共駕燭龍遍九垓
他日倘過廬山側江頭拳石何有哉

廬山志

卷十五

三十三

日思堂

增

宋日藩初經廬山下詩每念江州表茲嶽到州何意

便經行鄣名未証三天子匡氏誰爲七弟兄洞穴吐
風泉更響松門牽葉寺偏清尋幽歷險非吾事他日
因來或省耕

增

〔王世懋贈山僧詩〕靈山一宿暫忘機夜雨和鐘落翠
微截取雲頭千丈布爲僧留作水田衣

增

〔王世懋廬山雪詩〕朝日照積雪廬山如白雲始知靈
境杳不與衆山群樹色空中斷泉聲天半聞千崖冰
玉裏何處着匡君

增

〔張位遊廬山詩〕野服藍輿踏曉煙白雲深處洞藏仙

廬山志

卷十五

三十四

日思堂

問僧幾臘蒲團事笑指岩松不記年

增

〔李維禎廬山詩〕芙蓉三十六峰齊駘蕩春光夜不迷
劍氣平臨南斗外潮聲迴却大江西樹成纓絡風霜
古山吐爐煙日月低在昔圖經稱佐命銷沉何處問
金泥

增

〔胡汝煥秋日登匡廬絕頂四首〕屏風九疊與雲齊絕
頂清秋望不迷高掛銀河南斗外長飛瀑布大湖西
微茫海月窺人墮罨靄霞峰指掌低欲賦歸來猶未
得側身天地傍誰棲 匡續先生此結廬千秋□色

照圖書樓臺花底人間世雞犬雲中上帝居遊客風
塵惟蠟屐酒人天地有籃輦還教勝具終強健錦磴
寒岩恣所如 天矯丹霄卽帝鄉披襟沆漉滿衣裳
蓮花細吐諸天紫石鏡常含六月霜卽此已堪塵紱
冕到來眞欲傲羲皇翛然獨踞胡床在一任啼猿過
石梁 芒鞋踏遍五青蓮白石高雲淨可憐人似葛
天真太古山開栗里是何年林中鹿放輶軒外池上
鵝歸硯席前婚嫁浮生何待畢興來先著遠遊篇

□樊良樞秋登廬山詩
攀蘿躡磴杖疎筇秋入寒山古

廬山志

卷十五

三十五

日思堂

寺鐘南斗日高天子鄣石門煙鎖老人峰攢眉蓮社
成孤往矯首丹梯隔萬重但欲結廬諧勝賞坐乘流
水弄雲松

增

李言恭賦得匡廬山匡廬凌碧落青磴與塵分湖海
遠還見雷霆低不聞石門鳴宿雨瀑布瀑流雲獨□
山人屐常隨飛鳥群

增

岳岱廬山詩名嶽隨方鎮廬山天下稀靈巖萬仞峭
仙障九層微瀑布雷轟壁香爐翠染霏野花瑤草合
山鳥錦文飛彭蠡看舟楫鸞溪俯釣磯乘風慕羽□

帶月想蘿衣古寺餘金地前賢隱石扉屏風看九疊
知我未言歸

增

釋果斌匡山寄俞是堂詩晨起入東林閒蹤聊自托
零露濕草衣飛雲蕩陰壑倚樹息流泉攀蘿得虛閣
野性在安恬觀身眞聚沫遠思寂無言空堦松子落
莫如忠望廬山謠我浮沅湘道沔鄂夜宿潯陽江上
郭郭外澄泓月浸波繁陰一片橫江落乍疑天山雪
半披還似燭龍銜火光芒下照崑崙西我驚起視仰
攝息試向居人訪奇跡朝從城上望城南云是匡廬

廬山志

卷十五

三十六

日思堂

今始識匡廬山高高入雲千盤萬疊羅錦紋瀑布空
濛相映帶香爐煙靄相氤氳昔賢已羽化矯矯離人
群黃鶴去不返青猿啼或聞行人不道滄桑變却指
名山表鄉縣彭蠡東南缺地維巨鰲合湧靈峰獻入
楚山川自此多荆衡南下向牂牁攀危陟險路不極
我將何處巢雲阿山靈爲我言畏途君莫前只今陶
謝風流地期爾歸來問白蓮

增

謝榛夜集應員外瑞伯宅聞吳山人子充談匡廬之
勝得山字華館淹留重秉燭騷人揮麈說廬山九江

形勝來樽外五老雲霞生坐間古剝月明今夜夢滿
天秋色舊時攀何如早結束林社瀑布聲中任往還
增
費元祿廬山詩匡君故宅鎖莓苔百里根盤九派回
瀑布秋高銀漢倒香爐日落紫煙開鳥銜巖雪空中
去僧踏秋雲谷底來記得虎溪曾送客蓮花流出石
橋隈

增
陳邦瞻廬山詩蒼嵐片片點征衣夢裏廬山知是非
霧織松林無鳥度雪深石逕有僧歸屏風匝地鋪雲
錦瀑布連空落翠微耳畔嘈嘈天樂遠仙人不見紫

廬山志

卷十五

三十七

日思堂

煙飛

增
胡子祺匡廬詩中流掛席逐冥鴻西望匡廬五老峰
三峽飛淙懸瀑布九江秀色轟芙蓉亂來仙洞閑秋
草劫後禪林歇暮鐘惟有鄱陽湖水潤年年春浪化
魚龍 西望匡廬隔水涯群峰削翠出雲霞岩前瀑
布千秋雪澗底菖蒲九節花董奉宅邊丹井在康王
谷口夕陽斜南湖咫尺還鄉路却欲經行不到家

增
鄧元錫九江道中望匡廬詩我行雲夢野匡廬鬱盤
礴平湖漾晴沙抵島自縈絡遙天出楚岫點點蒼玉

卓鄱湖昔經遊五老來成約茲行撫其□□帶□陽
郭廣袤交吳楚崇深極寥廓秀色不可攬飛動神欲
薄行役勞心形愧彼雙飛鶴

增

鄒元標匡廬道中詩匡廬高萬丈道路何逶迤似挾
風雷至回看星斗隨樓臺多壯麗亭榭半傾欹五老
標銀漢三江漾碧漪廊邊鳴虎豹潭底浴蛟螭翠竹
餘音響閒雲動遠思長吟秋色迴不覺午陰移小偈
磨題遍岩僧未許知

增

湯顯祖送友遊廬山詩一行歸雁蠡湖停蕩漾峰頭

廬山志

卷十五

三十八

日思堂

幾疊青試就匡家騎鹿去銀河瀑布瀉雲屏 王孫
原是淨居身草色鄉心一半春堂上白鴉飛欲盡鉢
中香飯施何人

增

劉一焜送友遊廬山詩江雲縹緲送仙槎却望鸞笙
隔彩霞到日千峰何處是空生岩畔有飛花

增

劉一焜送友遊廬山詩獸荷長鑱斲茯苓匡廬雲散
萬峰青不知笙鶴歸何處五老峰頭舊勒銘 瀑水
淙淙帶雨新枳花香發滿山春煙霞我亦探奇士自
向紅塵看別人

增

曹學佺遊匡廬詩

三十首
錄七十首

名山何以殊一往便寂□

不知風雨來幽麗安所託蕭疎入長林鬱葱在高閣
衆峰氣特孤其文乃更錯出入肆余步處處看泉落
雲霞無定姿瞬息不相若惟茲一響臻更忽他聲作
夕陽已欲盡與之流大壑儻厭人世患可以免銷鑠
嘗聞歸宗寺舊宅爲羲之往往嘉樹蔭亦能得清
池古人雖已沒佳韻良在茲繼此代不乏始荆靡因
資巍巍金輪峰下映石鏡溪湖水入我懷盈盈曲如
規 諸峰今日始峰殊澗自別石梁橫其間高高若

廬山志

卷十五

三十九

日思堂

天設坐石弄潺湲志在危與潔以水亦宜石何必鳴
嗚咽上善物不爭有時亦激烈所以鬱蒸際乃爲霜
與雪 潭水能幾何乃爲龍子國潛龍如不起安辨
玄黃色余坐潭水上意與之無極一靜物俱靜潛龍
罔消息 晨卧猶未起白鹿造我門獵夫追不及童
子溪邊喧神仙使引導翩翩駕我軒五老淨鬚睂揮
手如可捫寄言謝五老跡別情彌敦 山南歷山北
古木含青煙斜陽在何處大抵楚江邊 千嶺行忽
斷一峰突然起是名天池山中有天池水 言趨石

門澗乃從流水出水流屢迴復左右安可必零雨近
爲思空矚區中日始若有無澗沾衣乃甚密古木亦
暫棲幽巖故終暱懷新未卽窮道故不爲述荒唐四
海外何限在一室寒泉學人語其流爲瑟瑟祗若初
到時潛居易相失 栗里有醉士不辨安所爲彭澤
旣輕棄南村亦慢移何以此中意獨能當我師酒禁
非不嚴一日爲之開昔固攢睂入茲乃頽然歸遠公
送之出偶至溪水澹步者忘其步語默亦不知相別
顧而笑嗒然人我遺蕭蕭谷中響虎嘯林木飛

廬山志

卷十五

四十

日思堂

增

〔王〕思任廬游詩半生廬嶽月餘遊撥出中峯到上頭
遊罷老僧難客去鳴鐘分付白雲畱曬穀石山臺經過

讀書聲湖影青蓮一葢清當日奇文欣共賞不知幾

度醉淵明劉遺民讀書臺大蘓三峽贊棲賢今日行遊坐玉

淵浪蹴銀花搏雪叫空霆築鼓撼龍眠躡雲橋

增

〔鍾〕惺送朱山人遊匡廬九華晚遊匡嶽亦非遲囊有
眞形畫有詩置我一丘差不惡憐君三絕獨無癡心
諳勝蹟如曾到山喜清人似故知叩罷彭郎逢九子
寄言予欲往從之

增

吳牲遊匡廬詩攬翠匡南山幾重眞從碧黛出芙蓉
乾坤伯仲呼諸老今古兒孫俯萬峯望裏帆檣依遠
岫湖邊沙樹隔煙鐘扶筇直上峯頭坐閒倚蒼崖百
尺於五老峯頻來三峽日遲遲山鳥山花春暮時空際
芙蓉青未了苔餘潭影碧相宜石堪欹坐雲支杖泉
似幽吟雨促詩把酒欲前呼五老石梁何日果幽期
三峽澗奇絕山峯峯九奇危崑削壁倚雲欹蓮開廬阜
煙孤裊星落彭湖影倒垂荒徑山腰懸曲折草菴石
竇隱葳蕤老僧拄錫閒雲外燒笋烹泉自咏詩九奇峯

廬山志

卷十五

四十一

日思堂

石門天闕穠靈異迢望層空杳未眞似有雲中雙闕
出依稀煙外衆山春影來峭倩皆松竹暝入幽奇若
鬼神悵結重游復何日桃花笑殺問津人望石門未登

增

呂大器宿廬山詩夜到天門經幾重星辰亦染翠煙
中蒼崖百壘邀雲駐白玉千尋挂劍空山待歸人晴
更好春窺野客興方同自慚未報妖氛靖短榻何能
對遠公

增

倪元璐奉使江右道經廬山不得上題新城驛風□

不定自雲間如此孤高詎可攀置我峰頭麋定喜告
人溪外虎方頑可知慧遠僧何笑難放柴桑門不關
大抵遊人無眼界廬山之內看廬山

丁按文正公天啓
卯以宮坊典

試江
西

增

萬元吉送我無上人還廬山詩萬里秋聲急青楓古
渡平潯陽潮自落楚岸月孤明破衲饑寒去芒鞋雨
雪行爐峰遙在望慧遠定相迎

增

譚元春九奇匡雲西林一如開先秋水送予出九江
詩行近山窗嵐始開虎宵鹿晝各無猜土人驚問予

廬山志

卷十五

四十二

日思堂

何客盡致高僧踏瀑來

增

譚元春訪李師病坐舟中望廬山詩數日船頭載岫
閒賞妍千遍豈空還白雲真是多情物生滿匡家見
弟山 九奇峰但望雲開三疊泉從白處猜慚愧雨
中茶筍意山僧擔擔下山來

增

黃端伯途中雜詠詩曾到廬山俗念灰一關衝破萬
關開男兒自具堅牢力鐵棒當頭打不回

增

釋德清山居一絕爲五峰藏上座萬山深處一茅菴
朝暮雲霞當小叅最是溪聲關不住廣長日夜語喃

喃

增

廖孔說懷匡廬詩九疊晴巒好掩扉泉聲處處抱斜
暉高窗樹影澄江小遠岫人蹤雪寺微溪靜飲猿連
臂下松深巢鶴掠衣飛荒涼石逕空延佇逋客而今
歸未歸

增

釋讀徹送沈朗癯入匡山詩獨向匡廬去安禪第幾
重九江黃葉寺五老白雲峰落日眠蒼兕飛泉下玉
龍到時應爲我致問虎溪松

增

徐穎望匡廬詩遠風吹欲動百里見嵯峨小割崑崙

廬山志

卷十五

四十三

日思堂

尾西當彭蠡波神光非海市瀑影亦天河三日無燴
翳水窗青奈何

增

黎遂球送僧還匡廬詩我昨挂席彭湖東箕踞望見
匡廬峰匡廬瀑布吹不斷搖曳更益生天風風吹片
席過湖去夢中怨不匡廬住今日還家復送師依稀
對月知其處

增

魏裔介酬寄廬山圖詩匡阜崇標浸碧瀾吳綃寫寄
到長安高空海嶽通群籟絕壁松杉鬱萬盤石鏡尚
懸青靄合并刀欲剪水雲寒可緣十丈紅塵裏掃石

焚香坐卧看

增

熊文舉廬遊雜詩之一 扶筇經過老僧龕佛手巖前
勸結菴三峽 泉音如鼓瑟 五峯雲髻不勝簪 疎鐘密
約歸霞嶼 遠夢憑虛隔 雨嵐一自虎溪三笑杳 何人
沾酒續清談

增

李元鼎廬山曉行喜晴詩

用正韻

爲報新晴有曉鐘 朝

來驅馬故從容 何年雪在峰 仍白幾處霞 生日未紅
石隱斷橋殘 雨沒寺連茆 屋亂煙封纔 招五老如相
語 面面山光又不同

廬山志

卷十五

四十四

日思堂

增

吳偉業得廬山願雲師書作絕頂誅茅處 蒼崖怪瀑
風書來飛鳥上 僧出亂流中 世事千峰斷 鄉心半偈
空 却將兄弟夢 煙雨問江東

增

龔鼎孳題匡廬圖詩 廬嶽南紀重 彭蠡禹績顯 雲松
日青熒 水石自旋轉 幾年阻登頓 披帙恣仰俛 三泉
既窅窅 七嶺倍陵緬 瑶草耀金潭 石乳滴翠巘 攀蘿
侶猿猱 采藥卧苔蘚 想像山中人 丹壑獨偃蹇 水墨
□淋漓 雲煙異舒卷 卽此足卧遊 澄懷萬慮遣

增

吳偉業題李鏡月廬山勝覽圖歌 廬山南出青濛濛

巔崖直上連蒼穹萬丈恍惚凌罡風俯視雲氣纔半
空秀甲東南千萬重長天壁立驚芙蓉我昔過此不
得上至今髣髴縈心胸陶潛李白古來士偃仰笑傲
常從容塵埃輻葛忘僊踪展卷一看真面目如倚瀑
布香爐峰五老插立若可揖石梁橫削誰能通疊泉
蒼雨落翠巘鹿洞古院蟠深松李君之遊誠難逢丹
青渲梁烟霞籠置身絕嶂飛流中快哉此圖閱欲終
滄洲羽翼吾安從

增

梁清標晉陵陸恂若自江右來爲道匡廬之勝因憶

廬山詩

卷十五

四十五

日思堂

吳粲叟學使詩客從遠方來去自章江右烟霞滿奚
囊琅玕盛衣袖爲道匡廬山登陟盡神秀上窺列僊
宅下瞰銀河竇古木蟠蒼龍暮鐘馴猛獸延陵有後
賢公暇偕枕漱躡屐香爐峰寓目蓮花滿古澗聽笙
鏞懸崖窮篆籀恨不因晨風探竒遍岩岫何日到長
安清言竟永晝

增

黎元寬送僧歸匡山詩匡山秀色落重湖一葉僧歸
入畫圖他日就師尋舊社白蓮重放數枝無

增

曹溶舟中望廬山詩霜滿漁磯意渺然匡廬一□□

青天棲遲陶謝燼嵐裏界限荆揚巖岫邊猿鶴百年
耽嘯傲江湖萬里異風燵蕭條遷客情何極目斷南
來五嶺船

增

〔宋〕之弼聞吳粲叟學使輯匡廬志詩以索之聞道匡
廬飛蓋時間尋圖籍厪周咨亭臯細酌濂溪水石室
親摹大禹碑鮑謝清暉看振策白蘇逸韻羨攤辭憐
余素有燵霞癖展卷終期慰所思

增

〔黎〕元寬過廬山詩早歲耽情泉壑間一生空賦望廬
山天遺濟勝寧無具人欲尋眞及放閒何事象王迷

廬山志

卷十五

又四十五

日思堂

舊處應憐鳥倦會知還匡君詞賦傾千卷招隱文章
未易刪

增

〔張〕九徵送友人遊廬山詩京峴逢君問檝師嶽雲湖
水慰遐思懸泉六月凌飛雪絕巘三秋采石芝鹿洞
古松談道處虎溪殘月別僧時草堂巖壑今何似還
擬琴書愜後期

增

〔宋〕徽望廬山詩望廬山廬山之高無終極山面吞吐
湖東西山背矗立江南北天水之際氣混茫卓爾中
流成孤特其處既高多變幻猶如殊庭湧海國更似

因僻以自全不與三山五岳較智力古來封禪七十
有二君從無玉檢金泥埋其側但聞神禹陟此巔摩
挲石壁一鐫勒想當經行敷淺時乍執玄圭憇匍匐
其餘瑣細載山經赤脂青精多不識泉石高懸野僧
羅筍蕨時供道人食孤潔自協靜者心吾鄉賴此常
生色風波如此不可行欲往從之路轉惑望廬山無
終極

增

〔曹爾□送汪舟次遊廬山詩

用康樂入彭蠡湖韻

出門貴適志

得喪安足論羲和既委御望舒旋宵奔思閒采芝朮

廬山志

卷十五

四十六

日思堂

選暇搴蘭蓀澄練彭蠡漲綺霞爐峰屯燈滅林樹杳
石蔽山扉昏息機俯竹嶼遣慮攀松門絕嶂五老立
古橋三笑存長歌亂語歛苦吟傷神魂綿邈清徽遙
澹沲紅泉温還投遠公社宿好期共敦

增

〔孫宗彝題廬山圖詩〕辨將終老選幽勝倏忽匡廬在

眼前蒼茫一氣拖碧落明滅萬狀凌青燵神丁鬼斧
不可鏤妙手丹青安足傳遊人憇此意殊盡飄然遺
世如飛仙我欲奮翮入霄漢摩娑五老之峰巔披襟
試當萬里風濯足下臨三疊泉蓬萊弱水瞬息到竹

影石鏡滄波連大叫閶闔開舉手招青蓮海風江月
情依然然後跨蒼龍兮騎白鹿歸來快讀紫陽之遺
編念茲掩卷長太息此心已與匡家兄弟相周旋

增

〔宋〕琬送汪舟次遊廬山詩好鳥非幽林無以肆頑頡
名山無主人遊子慘不悅我友施宣城坐擁江西節
招我遊匡廬書來誇奇絕惜哉物役牽老慙筋力劣
扁舟凡屢艤峭帆行復輟之子樂窮探芒屨逝將別
中路見早梅到日踏殘雪側聞香爐峰千尋掛虹霓
白雲出床足繁星可攬擷置身巖壑間森然見孤潔

廬山志

卷十五

四十七

日思堂

寂寥徵君館蕪沒高僧碣往者陶謝輩詩篇或遺缺
山經與水志登臨須攷覈廬陵有故人懸榻爲君設
想像西軒中開樽話所閱何時一把茅共向東林結

增

〔蔣〕超送友人遊廬山詩廬阜神仙宅彭湖釣叟舟雲
開三峽路瀑落萬山秋白鹿藏書在青楓送客愁芒
屨偏妬爾乘興到江州

增

〔錢〕朝鼎舟過南康望廬山詩五年再過匡廬地翠黛
都從篷底看雙劍劃天雲外矗九屏流玉枕前寒晴
移燴霧歸陰壑雨雜魚龍下碧灘明日征帆更何處

馬當山水漫漫

增

〔李宗孔〕送友遊廬山詩 一水轟芙蓉匡山翠萬重泉
聲雜樹響石逕任苔封雪滿康王谷雲寒五老峯君
行愜幽賞竹杖欲相從

增

〔徐惺〕謝友人寄廬山圖詩 與子再訂匡山約擬向東
林雙屐停邗意小樓寒日暮忽驚四壁晚山青石窗
冰雪千尋瀑絕嶂雲松九疊屏還待彭湖春水濶閒
探芝朮臥巖扃

增

〔杜濬〕送友遊廬山詩 秀色誇廬嶽遐踪繼謫僊言尋

廬山志

卷十五

四十八

日思堂

五老勝去汎九江船翠靄香鑪出銀河瀑布懸何時
重握手快讀遠遊篇

增

〔施閏章〕廬山遇雨歌 山下自晴山上雨林深苔滑流
石乳杖藜撥雲雲不開洞口老猿作人語忽聞天際
一鐘鳴隔水蒼茫尋磴戶

增

〔吳國龍〕送客遊匡廬兼懷家粲叟學憲詩 匡家兄弟
宅千嶂近彭郎客路雲煙滿禪扉笋蕨香玉虹看肩
屨金闕見微茫爲憶谿山裏諸生侍講堂

增

〔張新標〕送友人遊匡廬詩 廬阜岩堯控碧波雨晴飛

翠更嵯峨挂來帆與千峯轉望裏僧疑六代多鬼斧
斷雲開鐵壁山風吹瀑落銀河何期寂寞宗雷後又
向香林剪薜蘿

增

董文驥送友遊匡廬詩菊老楓寒朔吹愁薊門落日
送行舟三秋不耐風沙苦萬嶺遙從麋鹿遊雲斷紫
霄連蠡澤雪飛晴瀑撼江州憑君寄語東林社可許
陶潛載酒畱

增

周體觀廬山道中詩

用杜工部貽華陽柳少府韻

取逕迤盤谷扣

幽古洞門放情向疎豁仲春山氣溫草木發葳蕤

廬山志

卷十五

四十九

日思堂

阿互洄奔暝雨恣霑濡積晦沉朝墩瀑流注蒼壑濺
沫礙雲根黃梅落屋角村墟秀高原遠從岩際出坐
看煙霧翻州區幸僻險法令無苛煩猶得遍瘡痍見
此山家存荷鋤當近園曳杖掩夕閭渾然□皇前幽
意難具論但知辯黍苗豈復貴璵璠弘獎歷諸家實
唯隱者尊貽安厚自托無累到兒孫顧余久行邁登
頓依道垣朱顏凋謝早蓬鬢霜雪繁老倦不自息日
受徒旅喧何如隨野農歌呼酌瓦盆白水多淡味青
山無皺痕寂寂陶居士尚有柴桑村

增

吳國對送粲叟學使校士豫章因憶匡山詩別酒載
春郊柳絲搖落暉送君之斗野山水自清輝文章今
在茲古道未云非此去廬山頂星漢常相依芝草白
雲封劍華霜氣微中有仙人侶採藥可療饑思來博
望槎但悔願多違幽想入靜夜心逐征蓬飛

增

吳煒過彭蠡湖望廬山詩扁舟昨泊吳城驛匡君面
目儼咫尺輕颿今挂彭蠡上五老蒼顏競相向彭蠡
章江一水長千峯倒影連微茫鮫宮貝闕渺何所鯨
吞鼉作安可量竭來晴日曛曛曉煙靄長空淨如掃

廬山志

卷十五

五十

日思堂

雲錦屏開接斗杓芙蓉路絕橫飛鳥我聞上霄疊嶂
連高空秦皇漢武曾登封又聞三梁宵窺迴難攀昔
人鸞鶴常往還感來追往意無極乘風已過落星石
碧霧香爐照履綦玉虹瀑布瑩心魄此時擊汰情悠
然長笛數聲何處船推篷酌酒足興會振衣晞髮增
畱連謝康樂鮑參軍金膏水碧恣採摘石鏡松門細
討論會須放脚青冥上緬想風流萬古存

增

王士祿讀廬山游日記沁園春詞遙望匡廬幾載幽思

忽忽南昌

唐人詩忽忽
歸南昌想

峯排五老半天空翠泉飛三

疊百尺銀瀧林峙東西賢傳十八勝迹心知不可忘
問何日向彭蠡渡口一葦輕航 臥遊把卷神颺似
肩拍匡君煙路翔見地迴天迴邀雲入戶山深嵐重
遲月升堂錦澗橋邊玉淵潭側恍惚心清聞妙香才
解信道輞川愈疾語不荒唐

增

〔王士禛贈閔賓連兼懷李劬菴詩〕閔子遺我新吟卷
知自匡廬五老來橫策直凌銀漢上把詩如對翠屏
開虎谿舊笑看流水鶴觀殘碁認古苔安得異時偕
二子九江南望意悠哉

廬山志

卷十五

五十一

日思堂

增

〔高翹自九江登廬山詩〕廬阜鎮南紀湓城控上游杖
藜緣碧巘步屨度芳洲虛谷猿聲應深林虎跡畱三
宮憑眺賞五老肆綢繆不雨懸崖濕無雲暮靄浮雙
童洞府藥一葉鄱陽舟隱遯懷遐躅攀躋愜夙謀還
看寒翠色遙接鎖江樓

增

〔程可則送一靈上人入廬山詩〕三秋辭越嶠萬里向
湓城自有名山契能將客路輕杯浮彭蠡澗衣浣瀑
泉清未化勞生夢飄飄愧爾行

增

〔王士禛廬山篇送翁山上人朝誦廬山吟暮別廬山〕

客布帆南指廬山雲天末涼風起將夕匡廬桀嶧雲
錦張芙蓉九疊彭蠡傍匡君已去慧遠沒虎溪卓錫
復相望虎溪山色自朝暮落日蒼蒼但煙霧清秋聽
瀑三峽橋寒鐘送客東林路慈仁古寺松濛濛與師
往往談真空僕射由來識高座右軍元自歎林公羨
師歸去匡廬下名德威儀自瀟灑臨川眞復愧宗雷
何年一笑棲蓮社

增

〔王士禎寄廬山靈上人粵中詩〕遠攜瓢笠赴羅浮結
社東林溯幾秋冰雪晝聽三峽水雲霞春眺九江流

廬山志

卷十五

五十二

日思堂

散齋鴿下香臺暝咒鉢龍歸曉殿幽珍重雷峯西去
約遺民相待虎溪頭

增

〔史樹駿遊廬山詩〕振策陟絕壁棲息廬山巔徘徊五
老峯呼吸通雲煙懸巖散珠瀑碧巘湛玉淵靈嶠掩
虛洞星杓亘長天栗里與東林偃臥遺千年逸情儻
可續緬懷十八賢

增

〔楊兆傑泊舟潯陽望廬山詩〕朝發齊安驛暮泊潯陽
江匡山秀色來千仞劃荆揚浮雲滿山腰天際轉青
蒼削壁落飛泉崇巖阻晨光玄猿幾晝啼白鶴自翱

翔如何阻登頓河漢空相望深愧餐霞子矯首三石
梁

增

〔米〕漢雯登廬山絕頂詩誰將深翠染峯頭瑤草金芝
麗九秋天柱忽從雲外竦銀河疑白日邊流蒼茫吳
楚燼中細浩蕩江湖象外幽更指雲松尋五老何須
鸞鶴問丹丘

增

〔錢〕陸燦題廬山圖詩宗炳絃中響張松袖裏圖只今
尋窅窅猶可見伊吾澗水如成世山雲並在塗劇憐
禽慶老遊興未全無

廬山志

卷十五

五十三

日思堂

增

〔陶〕澂夢遊匡山得前二十字詩橫江西眺盡寂寞楚
山開白晝聽泉坐青天送雁來閒身聊藉草浩劫易
成灰欲叩東林法還應過石臺

增

〔朱〕克生舟中望匡廬詩悵望鄱陽道雲帆水驛孤千
峯盤楚漢萬壑導江湖近接諸天逼遙窺大地無何
時尋鹿洞重爲剪平蕪

增

〔陳〕允衡江上望廬山詩江痕十月斂山色四時蒼行
客驚哀角篙工愛夕陽衆泉奔峽響一鳥逐波光何
日偕眞隱懸巖構草堂

增

〔王穀夢〕遊廬山詩向禽浪說遊五嶽恍惚天庭恣旁
薄匡君招我坐雲中吳檣蜀舸小於籜驪珠煜爚□
輪急天雞夜鳴桂花濕心知下界盡塵埃更騎白虹
尋玉笈

增

〔釋今種〕登廬山絕頂詩峩峩天子鄣秀出斗牛傍獨
控江湖勢斜通日月光千峯各雲雨一氣自玄黃誰
與尋高頂迢迢三石梁

增

〔李沂題〕匡廬圖詩匡廬隱遯高人去石鏡蒼屏萬古
畱芒屨遠尋三疊水霜縑歸畫五峯秋雲晴喜見香

廬山志

卷十五

五十四

日思堂

爐出磻響疑聞瀑布流欲向東林攜短杖便從揚子
放扁舟

增

〔汪湛斯〕送友遊廬山詩匡廬奇秀枕江濱往復尋幽
孰似君縱目秋邊千里雁振衣岡上萬層雲高峯翠
削芙蓉並飛瀑晴懸風雨分我欲杖藜猶未得望將
遊草慰離羣

增

〔孔修〕彭蠡舟中望廬山詩擊汰彭湖上看山溢浦東
石鐘來窺坎廬嶽浸溟濛到此觀斯止吟來句未工
欹平渾莫辨曲折杳難窮不信人間跡徒驚造化功

九江襟帶合三楚地維通百谷趨遙壑羣巖拜下風
遐觀雲泚泚仰矚氣葱葱絕頂時藏霧長空不見鴻
徘徊遲勝境惆悵際陰蒙古樹參差裏飛流想像中
寒燼迷石徑暮靄失花宮白鹿應難遇青牛無處逢
好山堪策杖媿我獨飄蓬何日攜樽酒懸泉看落虹

增

李淦舟中望廬山詩嵯峨匡廬山可望不可卽舟人
貪利涉遊子意於邑中流與周旋三日廢寢食何處
香爐峯瀑布勢衝激迢迢三石梁琪樹那可識白鹿
遺唐碑紫霄畱禹刻仰觀情有餘俛矚志未得丹壑

廬山志

卷十五

五十五

日思堂

翠崖盟願言還登陟

增

李爲霖送友遊廬山詩匡廬雲霽彭蠡秋羨爾振策
名山遊天庭瑶草紛在眼石梁金闕重見不雲霞黯
黹匡俗宅書畫歷落南宮舟莫厭尋真陟險阻好乘
白鶴騎青牛

增

葉雲送再遊匡廬詩兩度遊匡嶽輕帆羨勝情三梁
供眺賞五老解逢迎天地畱遺蹟笙鏞叶正聲高秋
彭蠡雁早晚送歸程

增

賈良璧湖中望廬山詩桂楫中流信所如鬱藍深處

指匡廬摩空石勢三梁外渡水鐘聲六代餘瀑壑遠
聞寒雨落芝田長帶白雲鋤何當結屋依精舍夜雪
龕燈照讀書 山形橫枕大江流霧重嵐深望轉幽
自闢鴻濛爭五嶽不須封禪著千秋眠雲白鹿依禪
定掛壁清猿狎客舟他日若諧禽慶志青鞵布襪任
追遊

增

宗元鼎送友人遊廬山詩信彼匡山陶謝曾游滔滔
彭蠡言汎扁舟朝尋白鶴暮駕青牛泉聲木響皓月
新秋杯以葉卷緩酌清流竹林幻化□爾冥搜

廬山志

卷十五

五十六

日思堂

增

李澄潯陽江放舟東下迴望匡廬□□遊覽漫賦一

百韻欹枕潯江畔鳴榔溢浦邊湖光一片白嶽色萬
峯懸遠浦橫漁網荒亭閬綺絃寂寥黃鶴筵浩蕩洞
庭船夢逐檣烏下情隨隴雁還錦屏張碧落雙劍矗
秋天雙劍峯正對九江郡一水通章顛千山入郢鄢南鄣分地
絡牛斗紀星躔姚姒畱圖錄周秦積簡編奇看七嶺
蘊秘向二泉宣神秀衡巫並明禴灑霍連艤舟纜水
驛步履早開先澗響應招隱招隱橋林陰足坐禪銀河
雙瀑落鳥道古臺挺玉峽青堪語青玉峽龍潭深可眠

拾松隨煑茗聽水已冥筌萬籟飄風集□□而□

文殊臺突兀獅子石騰騫積溜千尋□□五色鞭

□危疑鬼架壁峭只猿攀攬勝方峯□□幽更陌阡

足皴黃石路目極紫霄巔簡寂壇偏舊歸宗宅自稱

歸宗為王右軍捨宅 醜壑以淡永苦笋得甜傳藥竈今何處□

脂劇可憐簡寂古松近以售松脂多萎 小池洗墨重飛沫玉簾□

舍利金輪上金輪 牟尼兜率前兜率峯下即玉簾泉 朱魚僭□

泳海燕去還穿鷄石峯誠迴鸞溪水自濺慶雲尋□

墨萬杉寺舊有宋仁廟題額 遺澤問莊田白□□騎□蒼龍□

廬山志

卷十五

五十七

日思堂

跨年謂白鹿洞古松 菌芝仍旖旎檜栢未□□揖□三千士

衣冠七十賢未窮朱陸辯且讀孔顏篇漫說登仞利

空嗟侶偃佺竟愁棖桷壞轉畏枳荆牽公擇風流邈

李家山即李公擇藏書處 睂山戀賞偏崇標已咫尺三峽又迴沿

三峽橋 古木紛膠轄驚濤遞蔓延聲聞為寂若毛髮頓

森然妙相瞻金粟澄心對玉淵玉淵潭 棲賢畱古蹟說

法表新詮種薜征輸急百花園產茶地 巢雲樂事崙巢雲菴在五老

峰下 醍醐樵客味楮枯老僧椽歡喜亭有行僧遇明 峯指九奇近

泉誇三疊妍玉川翻雪浪鍊壁絕飛鳶鍊壁崖門口□□為□□

莫迴陽馭逡巡 裊鄧紈竭來憂脆 跪背指□□ 邗小

向金鰲有三疊泉下 俄看玉竦 遄巧裁流雪 穀亂截

老蛟涎待訪三梁跡 言偕五老緣 佛光疑寫照登五老峯

時見佛光 山帶似鋪綿山帶詳舊志 呼吸通寥廓 憑凌指大千

微茫分隴蜀 九點別齊燕 草自生青燭即名南燭 花

纔開杜鵑兩孤邗 在眼星子小於拳 白鶴棊聲靜白鶴

觀 青牛丹白坐青牛谷 罡風吹骨冷 旭日漏林圓 金竹

坪纔削黃龍潭 接聯山中有三黃龍潭 傾崖鬪猛虎 亂石走

烏犍梵策懸香界 螭文賁法筵黃龍前代賜藏 霜縑香宛

廬山志 卷十五 五十八 日思堂

宛寺有元時畫 錦毵色涓涓 蘭□□□ 翥赤□□ 壙寺□

浮圖鍊最堅 刀圭迹幻化 羽蛻影踟躕 坐月傾壺榼

餐霞代粥餽 慈容佛手見佛手崖 睿藻御碑鐫 洞壑交

蒼翠藤蘿轉 鬱芊竹林元 宵窈石罅亦虛玄竹林寺石罅內

相傳有清靈 寶樹森濃蔭寶樹三在天池動碧漣

谷香思慧永 閣傑祀周顛 象鼓誰年燬 神燈幾日輝

依稀三楚樹 明滅九江煙 絕棧千盤下 溪橋細浪□

古苔封澗谷 殘衲挂楠榎 逕草馨無比 野花紅欲□

路疑天闕斷石門闕一 水向石門漩 落照□□ 紫□